

Ulozaj: [signature]



**SAMOSTALNI SINDIKAT RADNIKA KOMUNALNE PRIVREDE
U FEDERACIJI BOSNE I HERCEGOVINE
KANTONALNI ODBOR ZE-DO KANTONA**

Račun kod Sparkasse bank
Ulica Titova b.b. Zenica
ID 4200134780090

broj : 199-046-00032984-85
Tel/fax : 032-209-348 / 209-359
Mobilni : 062-485 923

**Gradonačelnicima
Načelnicima Općina
Gradskim/općinskim vijećima
Direktorima javnih preduzeća
u Zeničko- dobojskom kantonu**

Broj: *36/21*
Datum: *28.04.2021*

Predmet: Inicijativa za povećanje minimalne cijene rada

Poštovani,

U skladu sa važećim propisima, koji regulišu plaće i najniže satnice u Federaciji BiH, konkretno, u skladu sa članom 7. Općeg kolektivnog ugovora za teritoriju federacije Bosne i Hercegovine, najnižu satnicu utvrđuje Ekonomsko socijalno vijeće za teritoriju Federacije BiH (ESV), najkasnije do 01.12. u tekućoj, za narednu godinu.

Prilikom utvrđivanja najniže satnice obavezno se uzimaju u obzir parametri koji se odnose na sveukupnu proizvodnju, investicije, turističku potrošnju, potrošnju domaćinstava, kako bi najniža satnica mogla pratiti indeks potrošačkih cijena.

Ekonomsko socijalno vijeće za teritoriju Federacije BiH 2014.godine utvrdilo je najnižu satnicu u iznosu od 2,31 KM KM neto sa porezom na dohodak, što za 176 sati mjesečno daje iznos "minimalca" od 406,56 KM.

Međutim, i pored činjenice da su se od 2014.godine do danas značajno promijenile okolnosti, odnosno značajno su porasli troškovi života građana Bosne i Hercegovine, ESV nije korigovalo najnižu satnicu na način da ista prati rast cijena i troškova, nego je ista ostala nepromijenjena u proteklom periodu.

S druge strane, u zemljama regiona zabilježen je rast nivoa plata, što se nije značajno mijenjalo u Bosni i Hercegovini, pa je time i značajno smanjena kupovna moć građana BiH.

Imajući senzibiliteta za općenitu sliku društva, posebno za potrošačku moć građana, čelnici u Kantonu Sarajevo, kao i u općinama u Tuzlanskog kantona, odobrili su povećanje satnice sa 2,31KM na 2,68KM.

Imajući u vidu navedeno, te s obzirom da u BiH ne postoje odredbe koje regulišu automatsko usklađivanje najniže plate za radnike u javnim komunalnim preduzećima kao odgovor na kretanje cijena, nužno je aktuelizirati mogućnost pregovaranja o ovom pitanju.

Samostalni sindikat radnika komunalne privrede u Federaciji Bosne i Hercegovine, Kantonalni odbor ZE-DO kantona, ovim putem inicira poduzimanje aktivnosti koje će u postojećim pravnim i ekonomskim uslovima u ZE-DO kantonu, omogućiti adekvatnu cijenu rada.

Konkretno, po uzoru na cijenu rada u Tuzlanskom kantonu i Kantonu Sarajevo, predlažemo da se najniža satnica u oblasti komunalne privrede u ZE-DO kantonu sa 2,31KM poveća na 2,68KM.

Neophodno je sagledati činjenicu da je cijena potrošačke korpe za četveročlanu porodicu skoro dostigla iznos od 2.000KM, a da je trenutna najniža plata u FBiH cca 400KM. Usvajanje prijedloga značilo bi minimalnu korekciju, kojom bi se najniža plata povećala na cca 460,00KM, zbog čega smatramo nužnim prihvatanje prijedloga, kako bi se relaksirala socijalna prenapregnutost zbog neusaglašenosti cijene rada sa standardima kupovne moći građana ZE-DO kantona.

Uzimajući u obzir sve naprijed navedeno potrebno je da osnivači javnih komunalnih preduzeća u ZE-DO kantonu, posebnim aktom utvrde cijenu rada – najnižu satnicu kako je to naprijed predloženo.

Očekujemo da će osnivači javnih preduzeća prepoznati nužnost sagledavanja predmetne problematike u kontekstu porasta troškova života, te prihvatiti predloženo usklađivanje najniže satnice.

S poštovanjem,

Samostalni sindikat radnika
komunalne privrede u Federaciji Bosne i Hercegovine,
KANTONALNI ODBOR ZE-DO KANTONA,

